

# 《學講花蓼个人》學習單

## 一、語詞學習

1. 戇牯：ngong gu、，呆子、笨蛋。  
/ 例句：佢常透分人騙，大家講佢係戇牯。
2. 堵着：duˇ do、，遇到。  
/ 例句：佢在鄉頂圖書館堵着同學。
3. 落仔：lau e、，騙子。  
/ 例句：該隻落仔當會騙人，莫分佢騙着。
4. 講花蓼：gong、 fa / liau / ，說謊。  
/ 例句：阿福毋係會講花蓼个人。
5. 食夜：siid ia、，吃晚飯。  
/ 例句：佢做事做到無間好食夜！
6. 佇毋著：du mˇ diauˇ，受不了。  
/ 例句：恁熱个天時，大家當佇毋著。
7. 茅腳士：mauˇ giog、 sii，差勁的傢伙。  
/ 例句：這個茅腳士，做麼个就毋會！
8. 尾瀉屎：mi / xia sii、，形容跑得很快。  
/ 例句：賊仔看着警察仔走到尾瀉屎。
9. 搵手：ten su、，幫忙、協助。  
/ 例句：屋下人愛互相搵手，正會幸福。
10. 高不將：go / bud、 jiong / ，不得已。  
/ 例句：佢無錢好買屋仔，高不將去銀行借。



## 二、句仔學習

1. 淨曉…毋曉…。  
佢淨曉笑毋曉噉。  
佢淨曉聽客話毋曉寫客語文。
2. …係…抑…。  
阿福分毋清楚別人講个係正經个抑假个。  
嬰兒仔緊噉毋知係肚枵抑人毋鬆爽。
3. 學會…正做得…。  
阿福學會講花蓼正做得轉屋下！  
阿明學會整車仔正做得做師傅！



### 三、講看啊

1. 做麼个阿福个阿爸喊佢，學會講花蓼正做得轉屋下？  
因爭阿福毋知別人在講花蓼騙佢？既然毋知，厥爸就喊佢去學！學會正做得轉屋下。
2. 阿福一路項同哪兜人學講花蓼？  
賊仔、旅館頭家、乞食仔、神父。
3. 阿福做麼个愛講花蓼騙警察仔？  
因爭佢驚賊仔無偷麼个東西就分警察仔捉去！
4. 你認為阿福講花蓼騙警察仔好抑毋好？請講出若个理由。  
好！阿福曉得原諒人，原諒賊仔，賊子也感謝阿福，緊講佢下二擺毋敢做壞事哩！  
毋好！偷東西係違法个行為，愛分賊仔受着教訓，正知誠心改過。

### 四、做看啊（延伸學習、補充介紹）

根據這隻故事，阿福一路項堵着恁多麼人？（賊仔、阿爸、旅館頭家、乞食仔、國王、神父、警察仔等），請同佢兜畫出來，還愛講看啊，阿福敢係一個慧枯？到底佢係一個仰般个人？

